

G J A L D S K R Á

fyrir Rafveitu Siglufjarðar.

I. RAFORKA

Rafveita Siglufjarðar selur raforku á þann hátt og við því verði, sem hér segir:

A. Lýsing.

1. Um kwst.mæli kr. 1.20 hver kwst.

Við þessu gjaldi skal selja hvers konar raforkunotkun, sem kemst ekki undir aðra liði þessarar gjaldskrár.

B. Rafmagn til almennrar heimilisnotkunar.

1. Um tvöenna kwst.mæla, annan til ljósa, hinn til suðu og hitunar. Á ljósamæli reiknast samkvæmt A. 1, á hinn mælinn 30 aura hver kwst.
2. Um einn kwst.mæli fyrir alla notkun á heimilinu á 30 aura hver kwst. fyrir fyrstu notkun, þannig reiknað: 3 kwst. á mánuði á hvern m² gólfflatar í íbúðinni, og notkun umfram þetta greiðist með 15 aurum hver kwst. Bæjarstjórn hefur heimild til að hækka þennan lið upp í lægsta vélataxta, ef nægilegt rafmagn er ekki fyrir hendi. Auk þess fastagjald 25 aurar á mánuði á hvern m² gólfflatar í íbúðinni. Ákvæði þessi gilda fyrir allar íbúðir upp að 100 m², á íbúðum með yfir 100 m² gólfplöt reiknast 2 kwst. lágmarksnotkun á hvern m² fram yfir 100 m². Við útreikning gólfflatar skal tekið tillit til, ef um súðarherbergi er að ræða, þá skal rafveitustjóri ákveða, hve margir fermetrar skulu lagðir til grundvallar fyrir álagningu gjaldsins.

Til íbúðar teljast öll íveruherbergi, eldhús, gangur og baðherbergi, en ekki geymslur og þvottahús. Íveruherbergi, sem um stundarsakir standa auð, eða eru notuð sem geymslur, skal reikna sem íbúðarherbergi.

Ákvæði til bráðabirgða: Í íbúðum, sem fyrir hendi eru og hafa enga hitun aðra en rafmagnshitun, en hitunarlögnin er ekki aðskilin, svo að ekki verður komið við sérstökum mæli, má reikna gjaldið þannig: Fyrir fyrstu 3 kwst. á mánuði á hvern m² gólfflatar 30 aurar hver kwst., fyrir næstu 1 kwst. á hvern m² gólfflatar 20 aurar hver kwst. og fyrir notkun umfram þetta 10 aurar hver kwst., auk þess fastagjald 25 aurar á mánuði á hvern m² gólfflatar, eins og að framan segir.

C. Til véla.

Þar, sem orkan er notuð til vélareksturs, skal hún seld:

1. Um kwst.mæla á 70 aura hver kwst.
2. Ef um mikla orkunotkun er að ræða, svo sem til frystihúsa, og kaupandinn skuldbindur sig til að kaupa 20 000 kwst. á ári hið minnsta, má selja orkuna þannig:

Fyrir fyrstu 20 000 kwst. á ári greiðist 28 aurar hver kwst. Fyrir næstu 30 000 kwst. veitist 5% afsláttur. Fyrir það, sem notað er umfram þetta, veitist 10% afsláttur.

Verð þetta miðast við, að oliuverð sé 560 kr. tonnið, en við hver full 10%, sem verð olíu lækkar eða hækkar frá því verði, lækkar eða hækkar verð orkunnar um 10%.

D. Til hitunar.

197

Þar, sem götulinur og spennar leyfa, að dómi rafveitustjóra, má selja raforku til hitunar með eftirfarandi skilyrðum:

12. nóv.

- Öll tæki skulu vera fast tengd og gerð hitalagna og hitatækja háð samþykki rafveitustjóra.
 - Klukkurofi fyrir hitalögninni og greiða leigu fyrir hann eftir reglum, sem gilda fyrir leigumæla. Þegar klukkurofar eru ekki fyrir hendi hjá rafveitunni, má veita undanþágu frá þessu ákvæði.
 - Rafveitan áskilur sér rétt til að rjúfa strauminn af hitalögninni, þegar það telst nauðsynlegt, að dómi rafveitustjóra.
- Sé þessum skilyrðum fullnægt, má selja raforkuna:
- Um einn kwst.mæli á 10 aura kwst.

E. Orkusala til fyrirtækja, sem hafa eigin vélar til orkuvinnslu.

Rafveitustjórn getur með sérstökum samningi selt raforku þeim notendum, sem hafa eigin vélar til orkuvinnslu, með því skilyrði, að stöðva megi orkusöluna til þeirra, hvenær sem þarf, að dómi rafveitustjóra.

F.

Til lýsingar gatna, hafnar, skóla, sjúkrahúsa og kirkna skal gjaldið vera 100 aurar hver kwst.

II. MÆLALEIGA

Rafveitustjóri ákveður stærð og gerð mælitækja, sem nota á fyrir hverja veitu, og er sú ákvörðun skuldbindandi fyrir notandann, sem skal greiða leigu af mælitækinu samkvæmt eftirfarandi skrá:

	Ársleiga
Einfasamælar upp að 5 Amp.	kr. 5.00
— 10 til 15 Amp.	— 10.00
— 20 til 40 Amp.	— 20.00
Þrifasamælar 30 Amp. og minni	— 25.00
— stærri en 30 Amp.	— 30.00
Lausar skiptiklukkur	— 10.00

Af öðrum mælitækjum en þeim, sem nefnd eru í töflunni, skal leigan vera sem næst 15% af mælisverðinu, og semur rafveitustjóri nánari skrá um leiguna. Leigan skal innheimt 1. sept. ár hvert.

III. ÝMIS GJÖLD**1. Opnunargjald.**

Hafi gjald samkvæmt gjaldskrá þessari eigi verið greitt, svo að til lokunar komi fyrir veituna, skal taka gjald fyrir enduropnun, 5 krónur.

2. Sekt fyrir óleyfileg vör.

Ef fundin eru óleyfileg eða of stór vör við skoðun, skal veitunni tafarlaust lokað og eigi opnuð, fyrr en notandi hefur greitt 5 króna gjald á skrifstofu rafveitunnar.

197

3. Heimtaugargjöld.

12. nóv.

Húseigandi skal greiða eftir reikningi, hvort heldur sem er jarðlínu- eða loftlínuheimtaug.

Bæjarstjórn er heimilt að hækka eða lækka gjöld, sem ákveðin eru í gjaldskrá þessari um allt að 20% án sérstakrar heimildar ráðuneytisins.

Gjaldskrá þessi, sem bæjarstjórn Siglufjarðarkaupstaðar hefur samið og samþykkt, staðfestist hér með samkvæmt vatnalögum, nr. 15 20. júní 1923, til þess að öðlast þegar gildi og birtist til eftirbreytni öllum þeim, sem hlut eiga að máli. Jafnframt falla úr gildi gjaldskrá fyrir notkun rafmagns í Siglufjarðarkaupstað, nr. 148 28. ágúst 1940, og síðari breyting á þeirri gjaldskrá.

Atvinnu- og samgöngumálaráðuneytið, 12. nóvember 1945.

Emil Jónsson.

Páll Pálmason.

198

REGLUGERÐ

24. nóv.

fyrir Rafveitu Keflavíkur.

A. Stjórn og rekstur.

1. gr.

Markmið Rafveitunnar.

Rafveita Keflavíkur er fyrirtæki, sem hreppsnefnd Keflavíkurhrepps starf-rækir í þeim tilgangi að veita raforku um hreppinn og selja hana til heimilis-notkunar, iðnaðar og annarra þarfa.

Rafveitan er eign Keflavíkurhrepps, en skal rekin sem sjálfstætt fyrirtæki með nafninu Rafveita Keflavíkur og hafa sérstakt reikningshald.

2. gr.

Verksvið og orkuveitusvæði.

Rafveita Keflavíkur aflar raforku til almenningsþarfa í Keflavíkurhreppi með því að kaupa raforku úr orkuveitu frá Sogsvirkjuninni eða öðrum, svo og vinna hana sjálf í orkuverum, er síðar kunna að verða reist, og veitir þeirri orku, sem þannig er keypt eða unnin, um orkuveitukerfi rafveitunnar.

Orkuveitusvæði rafveitunnar er lögsagnarumdæmi Keflavíkurhrepps og sá hluti nágrennis hreppsins, sem hreppsstjórn ákveður og ráðherra samþykkir.

Rafveita Keflavíkurhrepps hefur einkarétt til sölu á raforku beint til raf-orkunotenda á orkuveitusvæði sínu.

3. gr.

Stjórn raforkumála. Rafveitustjóri.

Yfirstjórn raforkumála hreppsins er í höndum hreppsnefndar, en framkvæmdastjórnin skal falin rafveitunefnd ásamt rafveitustjóra, sem hreppsnefndin skipar að fengnum tillögum rafveitunefndar, og skal hann um rafmagnssérmenntun fullnægja skilyrðum til háspennulöggildingar a. m. k. Hreppsnefndin setur honum erindisbréf. Rafveitustjóri er framkvæmdastjóri rafveitunnar.